

Headline	Kerajaan tiada cadangan kenakan harga karbon		
MediaTitle	Utusan Malaysia		
Date	11 Jul 2019	Language	Malay
Circulation	107,609	Readership	322,827
Section	Ekonomi	Page No	37
ArticleSize	405 cm ²	Journalist	NABILAYASMIN
PR Value	RM 24,014		



Kerajaan tiada cadangan kenakan harga karbon

Oleh **NABILA YASMIN RAZIB**
ekonomi@utusan.com.my

■ KUALA LUMPUR 10 JULAI

MALAYSIA tidak merancang untuk mengenakan harga karbon ke atas pemain industri biarpun data bagi 2011 menunjukkan karbon dioksida menyumbang 72 peratus daripada pelepasan gas rumah hijau negara, dengan hampir separuh dihasilkan oleh sektor penjaanaan elektrik arang batu.

Menteri Tenaga, Sains, Teknologi, Alam Sekitar dan Perubahan Iklim, Yeo Bee Yin berkata, ini kerana terdapat tindakan-tindakan lain yang dapat diambil untuk mengurangkan pelepasan karbon seperti meningkatkan kecekapan tenaga terhadap proses sedia ada sebelum peraturan tersebut diperkenalkan.

"Lebih daripada 50 peratus tenaga elektrik di Malaysia digunakan oleh bangunan. Jika kita benar-benar menumpukan pada usaha meningkatkan kecekapan penggunaan tenaga, ia lebih berkesan.

"Sudah tentu saya mempunyai banyak peraturan dan dasar-dasar berkaitan alam sekitar yang diterima. Tetapi pendapat saya adalah mudah jangan buat perkara yang tidak masuk akal dan sukar bagi pemain industri," katanya dalam Sidang Meja



YEO BEE YIN (tengah) bersama Wan Zulkiflee Wan Ariffin (dua dari kiri), Ahmad Fauzi Hasan (dua dari kanan) dan Faziur Rahman Zainuddin dalam Sidang Meja Bulat Tenaga Malaysia, Forum Ekonomi Dunia di Kuala Lumpur, semalam. - UTUSAN/ROSNI MASRI

Bulat Tenaga Malaysia, Forum Ekonomi Dunia di sini hari ini.

Yang turut hadir, Presiden dan Ketua Pegawai Eksekutif Kumpulan Petrolia Nasional Bhd. (Petronas), Tan Sri Wan Zulkiflee Wan Ariffin; Pengerusi Suruhanjaya Tenaga, Datuk Ir. Ahmad Fauzi Hasan; Ketua Pegawai Strategi dan Pengawalselenggaraan Tenaga Nasional Bhd. (TNB), Datuk Faziur Rahman Zainuddin dan Ketua Masa Depan Tenaga dan Bahan, Forum Ekonomi Dunia, Roberto Bocca.

Sementara itu, dalam per-

kembangan lain, Bee Yin berkata, kementerian berharap dapat memeterai memorandum persefahaman (MoU) bagi grid elektrik ASEAN yang menyambungkan bekalan tenaga dari Laos, Thailand dan Malaysia pada September ini.

Katanya, pihaknya juga kini dalam proses membina kabel dasar laut ke Singapura dan ia akan dihubungkan melalui grid tersebut.

"Kita mempunyai beberapa perkembangan berhubung grid ASEAN, jadi saya berharap da-

pat menandatangani MoU dengan menteri-menteri negara yang terlibat pada September supaya kita benar-benar boleh mempunyai grid yang benar-benar berfungsi.

"Ini adalah inisiatif utama dan juga dimulakan oleh pegawai-pegawai kami di Malaysia dan kami juga berharap untuk melihat ke negara-negara ASEAN lain tetapi apa yang penting adalah memiliki bekalan tenaga dan kuasa yang selamat, boleh dipercayai dan mapan," katanya.